

萬卷精華樓藏書

記

閻

錫山書齋



二千六

萬卷精華樓藏書記卷一百九

靈石耿文光斗垣甫

集部二

別集類六

徐常侍集三十卷

宋徐鉉撰

鈔本 前有胡克順進書表陳彭年序晏殊後序徐琛跋後附行狀墓誌銘

李昉撰

祭文挽

詞 李至等撰

胡氏表曰陳彭年成臣夙志募工鏤板新印徐鉉文集兩部計六十卷謹隨表上進天禧

元年十一月日

陳氏序曰公江南文稿撰集未終自勒成二十卷及歸中國多不留草其存者子壻吳君淑編爲十卷通成三十卷時淳化四年七月序

晏氏序曰公歿後門人等論次其文胡君克順以墓誌挽詠等列於左次俾題其後大中

祥符九年八月

徐氏跋曰公集兵火中厄鮮有存者偶得善本鏤板以傳紹興十九年

簡明目錄曰騎省集前二十卷仕南唐時所作後十卷入宋後作也鉉才思敏捷下筆卽成故其詩流易有餘深警不足其文亦沿溯燕諱不能嗣韓柳之音然在五季之中則迥然孤芳矣

王氏曰徐公文集三十卷南唐徐鉉寶臣著宋都官員外郎胡克順所撰天禧中表進批答甚優五代時中原喪亂文獻放闕惟南唐文物甲於諸邦而鉉錯兄弟與韓熙載

稿考熙載甚詳

爲之冠冕常侍詩文都雅有唐代承平之風入宋與湯悅

原注卽段崇義

奉詔撰江南錄至

金陵亡國之際不言其君之過但以歷數爲言誅後主文尤極悱惻讀者悲之老學叢談

記常侍入汴市一宅居後見宅主貧甚曰得非市宅虧價而至是耶吾近撰碑文獲潤筆二百千可以相濟其人堅辭亟命左右輦致之其厚德如此集外又有稽神錄若干卷予

家亦有寫本

錄於香祖筆記

文光案稽神錄尙有傳本

盧氏曰鼎臣詩致清婉在崑體未興之前故無豐縟之習其文儷體爲多亦雅淡有餘爲

組織之學者見之或不盡意然沖融演迤自能成家不可得而廢也從鮑氏借得此集其
錄於抱經堂集

林和靖集四卷附省心錄一卷

宋林逋撰

廣州本 道光四年南海葉夢龍寫刊有跋前有康熙戊子吳調元重刊序皇祐五年梅

堯臣序宋史本傳墓堂記

元葉森撰

林集詩話十五條繪像并贊

臨安府尹袁詔撰

總目凡詩三百一十

首詩餘三首吳氏序云世無善本因重刊之晁无咎有林逋薦士書跋

葉氏跋日向聞是集刻本以前明陳惟成所刊爲有條理 國朝吳氏務滋堂本則編排

失序採取訛謬龍家祇有吳本因據羣書拾補中指駁數條系以案語仍卽吳本鐫之有

非和靖作者亦不加芟薙示不敢率臆也省心錄係從李邦憲省心雜言摘出吳氏誤附

是集今亦仍存其舊

元本林集後刻省心雜言盧曰李邦獻沈道原各撰有心錄和靖撰省心雜言或誤以省心錄爲省心雜言遂謂和靖無省心書

梅氏序曰先生少時多病不娶無子諸孫大言能掇拾所爲詩請序於予先生諱逋字君

復年六十二其詩時人貴重甚於寶玉先生未嘗自貴也就輒棄之故所存百無一二焉

於戲惜哉

黃山谷曰林處士書清氣照人其端勁有骨亦似斯人涉世也

何養純林集附言先生書法深入晉室惟停雲館二小東流傳於世清瘦遒勁語亦澄淡

孤峭

妮古錄朱紫陽畫深得吳道子筆法林和靖亦善繪事

文光案朱子善畫知者甚少不知尙在人間否

眉公筆記錢塘有水仙王廟林和靖祠堂近之東坡謂和靖清節映世遂以神像配食水

仙王山谷題水仙花用此事云

傳曰通善行書喜爲詩多奇句今傳者三百餘篇

元憲集三十六卷

宋宋庠撰

聚珍本 原集四十卷久佚官本從永樂大典探出重編爲三十六卷蓋刪其青詞樂語

也凡賦一卷詩十四卷

附帖
子詞

頌二卷表二卷外制七卷內制四卷劄子一卷答內降手詔

一卷行狀一卷墓誌銘墓記祭文一卷祝文狀序一卷記碑銘連珠論說一卷前有嘉定

二年郡文學陳之強序郡守王允初欲合刻二宋集以屬之強未就而去後守陳芾捐資

刊成庠字公序開封雍邱人天聖二年進士第一封莒國公元憲其號也末卷有緹巾集

記自次所著詩五百餘首勒成十二卷不知與今本同否

今本八百餘首

其名章雋句具載集

中諸家所稱或有未盡文多館閣之作在宋時爲極盛評論詳於宋史本傳及諸家序論茲不復贅集內有談苑序因楊大年之書去其重複分爲二十目勒成十二卷題曰楊公談苑皆奇聞異說也

景文集五十六卷

宋宋祁撰

聚珍本 此二宋合刊之本乾隆四十六年七月恭校上御題冠首前有唐庚序目錄提

要賦四卷詩二十卷

風雅體
三首

奏疏六卷外內制三卷頌二卷表六卷議論三卷序記贊各

一卷雜文一卷書三卷啟五卷配帝升歌諸議禦戎諸論宜錄

唐氏序曰仁廟初號人物全盛時而尙書與其兄鄭公以文章擅名天下其後鄭公作宰相以事業顯於時而尙書獨不至大用徘徊掖垣十數年間故其文時多奇特兄弟於字學甚深故其文多奇字讀者往往不識其將歿世又命其子慎無刊類文集故甚秘而不傳於世元符二年其子袞臣爲利路轉運判官予典獄益昌始得尙書所爲文讀之粲然東坡所謂字字照繚素詎不信哉文集二百卷予得九十九卷餘在曾子開家袞臣謂他

日當取之并授子云

武溪集二十卷

宋余靖撰

芸香堂本 康熙丁丑天都程徵基校刊於廣州募於同志助而成之前有紹興丁巳韓

璜序

正誤數十字

成化九年邱濬序

與曲江集並得於館閣嘉靖內寅劉穩序

明本第

康熙乙亥陳廷

閣試私

策王瑛序程履新跋校刊姓氏神道碑

歐陽修撰

目錄詩二卷制誥二卷表狀三卷判詞

御試秘

試二卷序一卷論一卷記五卷啟箴雜著一卷墓誌二卷祭文一卷嶺南人物首稱唐張

文獻公宋余襄公二公皆韶人也曲江集尚有存者又全收入全唐文中余公集二十卷

卽此本也而錯缺無本可校按碑記有奏請五卷刊誤四十卷查不可問矣雜著內有契

丹官儀五條

契丹舊儀皆書於國史夷狄傳矣予自癸未至乙酉三使其庭盡得欵曲言語虜中不相

猜疑故詢胡人風俗頗得其詳退而誌之以補史之闕焉

安陽集五十卷附家傳十卷別錄三卷

宋韓琦撰

書錦堂本 乾隆三十六年知彰德府事同安黃邦甯重修首御製論贊文次黃邦甯序次萬歷丁亥郭朴序次乾隆四年陳錫輅序次譚尙忠序次黃遠亭重刊例言次遺像淳熙二年敕贊次宋神宗御製碑次宋史本傳次忠獻韓魏王家傳十卷不知何人所編次別錄王巖叟記其所聞於王者有序次遺事強至編次目錄詩二十卷文三十卷末附歐公書錦堂記東坡醉白堂記乾隆庚寅李林跋家傳別錄遺事舊本在後黃本合爲十卷冠以御製文爲首卷凡分十集自序至遺事爲甲乙丙三集詩文爲丁至癸七集遠亭旣刻忠武集又刻安陽集韓岳二王皆鄴下偉人

李氏跋曰嘗考彰德文獻唯建安諸子之辭賦李延壽之史傳奕之表論家有其書他如隋杜正藏之文軌宋陳貫之兵略金趙秉文之潞水集曹珏之卷瀾集元胡持之紫山集許熙載之東岡小稿有壬之至正集非博綜者不克徧觀

郭氏序曰安陽集五十卷並家傳遺事十餘卷蓋傳自宋之季世云正德中監察御史安陽張公世隆按陞山西刻置河東書院朴後得之謹藏於笥

陳氏序曰安陽集五十卷附家傳遺事十二卷明萬歷乙酉鄴郡司理內江張公刻置於書錦堂其集稿則得之鄉賢郭文簡公文簡公又得之同邑侍御刻於河東之行臺者康

熙時前令崑山徐公重加校刻携其板而南乾隆戊午錫輅亟謀梓之凡八閱月而剞劂告畢

黃氏例曰河東書院本畫錦堂本是謂舊本乾隆四年安陽陳令所刻是謂新本集中殘缺處不可枚舉間有新本缺而舊本完好者已補葺無遺兩本俱缺不敢妄增昔宋神宗詔索王文稿王之後人所錄已進呈者歷年既久搜訪難得

韓琦字稚圭相州安陽人父國華登進士祥符中加諫議大夫子三琦琚璩並進士及第琦風骨秀異唱第太史奏日下有五色雲卒之日大星隕於洛

別錄序曰熙甯六年春公在安陽多暇日巖叟閑居且無職事方得從容侍公於便坐事有時人之所不知言有古人之所未到退輒書而臧之記或未詳則他日再叩以完其說方貪嗜未足而八年六月我公已薨姑悉所聞見者注而次之以爲公別錄云乙卯七月十五日王巖叟序

一圖像從韓氏家藏古本並仿廟中遺像細爲摹出一家傳別錄遺事與正史相表裏

一安陽集出自王手訂宋板不可得集外尙有二府忠議五卷諫垣存稿三卷陝西奏議五十卷河北奏議五十卷顧命奏議三十卷雜奏議三十卷千慮集五卷古今參用家

祭儀一卷安陽舊文十二卷手編家集六十卷歲久無存

范文正公集二十九卷附錄十九卷

宋范仲淹撰

吳郡義莊本 康熙丁亥二十一世孫廣東巡撫范時崇重刊凡正集二十卷別集四卷政府奏議二卷尺牘三卷附錄年譜一卷年譜補遺一卷言行拾遺事錄四卷鄱陽遺事錄一卷遺蹟一卷義莊規矩一卷褒賢集五卷補編五卷自政府奏議以下皆丁亥本所增補今所通行者卽此本也正集元祐四年蘇軾序別集乾道丁亥俞翊跋淳熙丙午綦煥跋奏議韓琦序原本十七卷晁志云今編二卷尺牘有淳熙三年張拭跋又朱子跋年譜樓鑰編次八世孫國鵠補遺有天歷三年跋拾遺以下不著編輯者姓氏遺事紹聖乙亥陳貽範序補編五卷簡明目錄云八世孫能濬輯

范忠宣公文集二十卷奏議二卷遺文一卷附錄一卷補編一卷

宋范純仁撰

吳郡義莊本 謹案忠宣文集簡明目錄在張方平樂全集後今因義莊本與文正集合刊遂次於此凡詩五卷文十二卷末三卷爲國史列傳及行狀奏議文集有樓鑰序元姪

孫之柔跋又沈圻廖視陳宗道三跋遺文以下皆其裔孫能濬所輯遺文忠宣七首公弟公獻純禮二首侍郎純粹十九首附錄論頌補編忠宣尺牘一首附以制詞題跋謚議傳誌祭文其篇卷次第與簡明目錄所載悉同蓋猶是舊本也趙希弁曰別有臺諫論事五卷邊防奏議二十卷在此文之外今亦未見

曾樂軒稿一卷附錄一卷

宋張維撰

安邑葛氏本 此十詠圖也乃張子野圖其父維平生詩十首其一太守馬大卿會六老於西園其二庭鶴其三玉胡蝶花其四孤帆其五宿清江小舍此首已佚其六歸燕其七聞砧其八宿後陳莊其九送丁遜秀才赴舉其十貧女孫覺序之詳齊東野語蓋周密得其圖故記之吳興六老之會即簡七十七范銳八十六張維九十一俱致仕劉餘慶九十二周守中九十五吳琬七十二皆有子弟列爵於朝時太守馬尋主之胡安定教授湖學爲之序詩及序刻石園中園廢石亦不存其事見圖經及安定言行錄張維烏程人仁宗朝衛尉寺丞贈尚書刑部侍郎其詩清麗閑雅又見於宋詩紀事直齋陳氏傳其圖且詳考顛末爲之跋趙子昂有題十詠圖詩此稿出於北宋人小集

尹河南先生文集二十七卷附錄一卷

宋尹洙撰

晉臺陳氏本 前有嘉慶十三年秦瀛校刊序次范仲淹序次目錄凡詩一卷文二十四卷五代春秋二卷附錄本傳墓表祭文墓誌並誌論狀雜見事跡乾隆六十年顧曾後序
王士正三跋

顧氏序曰河南先生之文范文正稱其辭約理精歐陽銘先生墓亦稱其文簡而有法而今人但知有歐陽之文鮮有道及河南者卽當時文正序其文嘗索而類之亦無刊本傳於世是可慨已長訓陳君貞白治古文酷嗜先生文因取世所傳抄本並家藏本及它氏所藏本採摭校正閱數年而後卒刻之以傳屬余序之

范氏序曰師魯深於春秋故其文謹嚴辭約而理精章奏疏議大見風采士林聳慕永叔從而振之由是天下之文一變而古其深有功於道與

文光案師魯與范文正最善忽手書與文正別屬以後事使朱炎往隱凡而卒文正至哭之甚哀忽舉頭與文正別遂長往事詳沈氏筆談

南豐雜錄洙自謂平生好善之心過於嫉惡孫之翰以爲信然

邵氏聞見錄云錢文僖留守西都謝希深爲通判永叔爲推官師魯掌書記梅聖俞爲主簿皆天下之士又云錢惟演守西郡起雙桂樓建臨園驛命永叔師魯作記永叔文先成千餘言師魯曰某只用五百字文成永叔服其簡古二記皆不載於集中又云歐公與師魯分撰五代史其後師魯死無子歐史頒之學宮杲有師魯之文乎抑歐公自爲之也

錄於

書本

王氏跋曰尹師魯爲古文在歐公前前乎師魯者有穆脩鄭條柳開輩開河東集予從千頃堂抄得藏本穆參軍集馮秋水刻於金陵二集皆疏拙而石徂徠尊開之學不可曉也條集未見河南集二十四卷北宋本之傳於今者得見其全如此集者陋矣

石徂徠文鈔二卷

宋石介撰

石氏重刊兩山堂本 此本爲漁洋書庫所藏詩一卷文一卷乾隆四十年刊

朱氏曰歐陽文忠公外集載與石公操推官二書言嘗見其二石刻之字險怪譏其欲爲異以自高公操卽守道也今徂徠集中猶見其答書太略皆蘭辭自解文忠復書誠中其病守道字畫世不復見既嘗被之金石必非率爾而爲者卽其答書之詞而觀之其強項

不服義設爲高論以文過拒人之態猶可想見稱推官者蓋在南京時也計其時齒方甚少不知後竟少悛否然文忠公誌其墓與讀徂徠集二詩盛道其所長亦足以見公與人不求備也近歲一二少年好奇尙怪本欲自高而不知陷於浮薄也

錄於曲
清舊聞

王氏曰宋柳開河東文集十五卷附行狀一卷門人張景所編其文多拗拙石守道極推尊之其過魏東郊詩上擬之臯夔伊呂下擬之遷固王通韓愈殊爲不倫東郊野夫傳開所自述與補亡先生傳皆載集第二卷又穆脩伯長集代州馮秋水方伯順治中刻之金陵又拗拙亦與開類詩尤不工唐末宋初風氣如此其視歐蘇眞陳涉之敢漢高耳景字晦之避難遁竄改姓名曰李田所至題曰我非東方兒木子也不是牛耕土田也欲識我踪跡一氣萬物母景作柳集序破題云一氣萬物之母也見湘山野錄又徂徠集二十卷詩卷辨說原釋傳錄雜著五卷論二卷書六卷序一卷記一卷啟表一卷石門吳孟舉所貽宋刻也守道最折服者柳仲塗最詆謾者楊文公大年觀魏東郊詩怪說可見其文屈強勁質有唐人風較勝柳穆二家終未脫草昧之風

錄於池
北偶談

文光案予所藏鍾秀山房本康熙庚寅徐肇顯所刊有跋有附錄又正誼堂本附錄行實墓誌皆二卷漁洋所云宋刻則未之見也

蔡忠惠集三十六卷

宋蔡襄撰

遜敏齋本 乾隆四年蔡廷魁校刊有序初刻於宋再刻於明諸本互異此本詩九卷制誥四卷奏議四卷國論疏表狀劄子五卷餘皆雜文內有茶錄茶記墨辨荔枝譜評書簡明目錄所著卽此本

王氏序曰興化守鍾離君松傳君自得訪故家得其善本教授蔣君雖手校之鋟板郡庠得古律詩三百七十首奏議六十四首雜文五百八十四首而以四賢一不肖詩置諸首與參議之切直舊所不載者悉編之比他集爲最全

文光案天一閣書目蔡端明集二十四卷有王十朋序因錄之此本未見

蘇魏公集七十二卷

宋蘇頌撰

同安蘇氏本 道光二十二年蘇廷玉重刊有跋首提要次宋紹興九年汪藻序次道光

十一年史官陳壽祺序次本傳次同安縣祠文次目錄

分上下二卷
列校字九人

凡古律詩十四卷冊文

奏議六卷內制八卷外制八卷表十一卷啟三卷碑銘四卷墓表八卷行狀一卷記一卷

序三卷書一卷劄子一卷祭文二卷雜著一卷附錄墓誌曾肇撰

汪氏序曰公以博學洽聞名重天下者五十餘年卒用儒宗位宰相一時高文大冊悉出其手故自熙甯以來國家大號令朝廷大議論莫不於公文見之然公事四帝以名節始終其見於文者豈空言哉公歿四十年公之子構始克集公遺文使藻與觀焉故謹識其端而歸其書於蘇氏

蘇氏跋曰宋槧無存道光庚寅陳太史命就武林文瀾閣重鈔校錄亟錄副本乞序於太史今歲歸里得陳念庭

案名金城

覆校考證完善卽付諸梓曩在蘇州時曾得魏公譚訓二本

刻之茲仍重鐫以附於後近復得冷然齋集爲公之四世孫召叟公所撰亦併校刊之以存一家言

陳氏序曰宋韓南澗言本朝蘇氏凡三望族梓州眉山同安獨同安之蘇最盛文獻典型累傳不絕蘇公文章清麗雄瞻卓然與功德相副生平嗜學經史九流百家之說至於圖緯陰陽五行律呂星官算法山經本草無所不通熟於臺閣故事本末無遺日月不差雖士大夫家世閱闕名諱婚姻無不强記然論者以爲在公特餘事也嘗撰漢唐故事魯衛信錄渾天儀象本草圖經今其書或傳或不傳文集七十二卷與宋志直齋書錄解題符

合幸無闕佚惟失外集一卷公集吾鄉鈔有見者公之裔孫鼈石校錄於吳門而以副本屬壽祺爲序

由漢迄唐名醫譔述殆百餘家今之所傳十不存一惟孫思邈備急千金方者首末粗具特爲完書然而公私所藏鮮有善本簡編倒錯事理不倫睿孝皇帝詔命儒臣是正墜失臣某等實被茲選典領有年竊謂孫氏之書精審博瞻諛聞淺見誠難究悉乃自廣內秘文及民間衆本道藏竺典字篇雜子並用搜訪以資參考得以正集舛互補其遺佚文之重複者去之事之謬戾者易之期年切至頗見領略凡篇目論方總三十卷皆仍其舊體也其間物有多寡權量不同病有緩急湯丸異齊鍊治有生熟之節名號有古今之殊文字假借之相通篇名前後之雜出每用一法皆宜偏知雖有舊凡汗漫難悉今撮其綱條傳以新意別爲總例一篇列於卷首將使披文易曉用藥靡差昔劉歆叙方技爲四種則有醫經經方房中神仙之別唐令分醫學爲五科則有雜療瘍瘡少小耳目口齒角注之品自是學者各務專門自非明智鮮能周知今是書所載始婦女而次嬰孺後丈夫而終耆耄每叙一病皆先論藏病之稟受又辨脉證之盛衰次審砭艾之所宜乃明藥石之相應至於吐納宣導飲食補養按摩符禁黃冶丹石衆術咸備靡不臻妙所謂兼劉氏四種